



Sakspapir

Sakshandsamar	Arkiv	ArkivsakID
Gjermund Hagesæter	FE-027	21/191

Saksnr	Utval	Type	Dato
022/21	Formannskapet	PS	13.04.2021
020/21	Kommunestyret	PS	22.04.2021

Kompensasjonsordning til lokale virksomheter

Vedlegg:

21/1215-2 Tilskuddsbrev kommunal kompensasjonsordning til lokale virksomheter

Vedlegg 1 - Fordeling kap. 553 post 68 25.2.2021(1350980)

VS For distribusjon til representantene NHO Reiselivs innspill til fordeling av kompensasjonsordning til lokale virksomheter

Innspill lokal kompensasjonsordning

Saksutgreiing:

Bakgrunn

Fedje kommune har fått tildelt kr 250 000,- som skal gå til lokale bedrifter som er ramma av dei ulike smitteverntiltaka.

I tilskotsbrevet frå Kommunal- og moderniseringsdepartementet (KMD) står følgjande: «Hensikten med tilskuddet er å sette kommunene bedre i stand til å avhjelpe situasjonen for lokale virksomheter som er særlig hardt rammet av lokale eller nasjonale smitteverntiltak.»

Vurdering

Det er ikkje spesielt mykje informasjon i tilskotsbrevet om korleis desse pengane skal fordelast. Det gjer at kommune står nokså fritt i fordelinga.

Uansett er det viktig at ein har nokre kriter for kven som skal prioriterast. Slike kriterier bør fastsetjast av kommunestyret og kan vere følgjande:

1. *Verksemda må ha forretningsmessig adresse og drift i Fedje kommune.*
2. *Må kunne sannsynleggjera eit inntektsbortfall som har samanheng med samfunnsendringar grunna koronasituasjonen.*
3. *Verksemda må ha framtidsutsikter på kort og lang sikt og må legge fram plan for når verksemda ser føre seg å komme attende til normal drift.*
4. *Kommunen kan når som helst be om dokumentasjon som stadfestar at vilkår for tilsegn er overhalde.*

I tillegg bør det setjast nokre absolutte objektive krav som kan vera:

1. *Verksemda må vere skattepliktig til Noreg.*
2. *Vere registrert før 12.03.20.*
3. *Dersom verksemda er organisert som ENK eller ANS/DA må hovudinntekt hentast får verksemda.*
4. *Ikkje vere konkurs, insolvent eller under avvikling*



Fedje kommune

Når kommunestyret har fastsett kriterier og krav bør midlane lysast ut på Fedje kommune sine heimesider, facebook og marknadsførast på andre måtar.

Dersom vedtak på kriterier og krav vert fatta i Fedje kommunestyre 220421 kan midlane lysast ut på Fedje kommune sine heimesider 230421. Dersom ein set fire veker søknadsfrist vert fristen sett til fredag 210521, noko som bør vere tilstrekkeleg til at formannskapet kan få saka fram til seg i møte 080621. Om Fedje formannskap får fullmakt frå Fedje kommunestyre til å fatta endeleg vedtak om korleis desse midlane skal fordelast eller om Fedje kommunestyre også vil ha saka opp på møte 170621 er eit politisk spørsmål som rådmannen ikkje ønskjer å gje noko råd om.

Folkehelse: Ikkje relevant

Miljø: Ikkje relevant

Økonomi: Dette er statlege midlar som Fedje kommune får tildelt for å støtta lokale verksemdar.

Konklusjon

Det vert fastsatt kriterier og krav for tildeling og midlane vert lyst ut så snart dette er på plass. Endeleg vedtak i saka vert fatta av Fedje formannskap eller Fedje kommunestyre.

Forslag til vedtak:

Midlane vert lyst ut med fire vekers søknadsfrist i samsvar med

Formannskapet - 022/21

F - behandling:

Delar av rådmannen sitt framlegg har blitt vekke i innstillinga. Vedtaksframlegget er følgjande: Midlane vert lyst ut med fire vekers søknadsfrist i samsvar med dei kriteriane som kjem fram i saksutgreiinga. Når søknadsfristen er ute vert saka utgreidd og lagt fram for endeleg vedtak i Fedje formannskap / Fedje kommunestyre.

Felles endringsframlegg:

- "Insolvent" vert stryke i kriteria.
- Formannskapet avgjer saka.

F - vedtak:

Midlane vert lyst ut med fire vekers søknadsfrist i samsvar med dei kriteriane som kjem fram i saksutgreiinga, med unntak av følgjande: "Insolvent" vert stryke i kriteria. Når søknadsfristen er ute, vert saka utgreidd og lagt fram for endeleg vedtak i Fedje formannskap.

Samrøystes vedteke.

Kommunestyret - 020/21

K - behandling:

Kompensasjonsordningen, foreslått av Ernst Horgen, Høgre



Fedje kommune

Første 250.000 bør vurderes i forhold til bedrifter som var aktive 120320. Andre 250.000 bør vurderes i forhold til bedrifter som var aktive ved nedstenging november-desember 2020 og fram til nå.

Dette kan bli betydelige enkeltbeløp, og vi vil gjere framlegg om at saka vert handsama i kommunestyremøtet i juni 2021 etter førebuing frå formannskapet.

K - vedtak:

Midlane vert lyst ut med fire vekers søknadsfrist i samsvar med dei kriteriane som kjem fram i saksutgreiinga, med unntak av følgjande: "Insolvent" vert stryke i kriteria.

Fyrste 250.000 bør vurderast i forhold til bedrifter som var aktive 12.03.20. Andre 250.000 bør vurderast i forhold til bedrifter som var aktive ved nedstenging november-desember 2020 og fram til nå.

Saka vert handsama i kommunestyremøtet i juni 2021 etter innstilling frå formannskapet.

Samrøystes vedteke.